

www.BibleForChildren.org

Matiu 1




Elisabet ko amaiwo raunuk raunuk, keir 6 orip Anut nukas ätâi kon sarau eitek Gabriel, Galili provins kar mena enip Nasaret mena äsimornuk, potowon. Anut nukan sarau eitekus kar asir makun, kon enip Maria, aparaun äsimornuk, potowon. Maria ko kar ro, enip Josep, owaun sare murin. Josep ko Devit nukan askanai pakan.



Anut nukan sarau eitekus ätäi
auruwon, "Maria, na wa iminäu.
Anut na pak rau. Na tawa amaiwo
sarianik, kar mokoi an jowam. Kiro
mokoin enip Jisas mam. Ko ro
nāwāu sarianik, Anut
kāmioik rau nukan mokoi
rawai. Anut nukas ko roasiret
kamwaraun äsimorai. Kon askanai
Devit rawon senek rawai. Ko Jakob
nukan kinjaukut kamwaraun ro
nāwāu orip orip rawai.

Kon roasiret
wa utwarai."



Maria nukas ätäi Anut nukan sarau eitek auruwon, "Is kar ro pak ninau wa, okon, kiro onok owose is opok päi?" Anut nukan sarau eitekus Maria ätäi auruwon, "Anut nukan Osou na opok kowai. Anut nukan sakau na opok rawai. Keseria, kiro mokoi Anut nukan Mokoi äiäiei."



Keseria, Anut nukan sarau eitekus Maria ute manowon. Kiro ses opok, Maria siräianik, Elisabet aparaun Judia provins omtorou opok kon epauk aparau potowon. Maria ko Sekaraia nukan owa tonomara, Elisabet auruwon, "Pere." Elisabet ko Maria nukas 'Pere' aurnuk, kiro mokoi kon wou uru rawon karkairianik, siräiewon.




Anut nukan Osou Näu Elisabet opok ok
penuk, Elisabet ko Anut jou murianik,
Maria auruwon, "Na asir sakau orip, nas
asiret erekapu okoro
omsau pakan na karar
enmat jou kämioik
musaiei. Na kiro mokoi
an jowam eposek
rawai."




Jisas Krais owose pewon? Kon pewon onok kesek. Kon anak Maria ko Josep owaun sare moin. Utianik, meter kiro ro asir ori au ouratäu wa opok, Maria ko äpu mowon Anut nukan Osou Näus ko amaiwo sarewon. Josep ko erekapu onok eposek miäu. Keseria, ko roasiret amiak opok Maria utonuk, Maria wou aru mai. Keserianik, ko ämäi ämäi Maria utaun ronkatewon.



Utianik, Josep ko asik utaun ronkat onunuk onunuk,
Anut nukan sarau eitekus* nini epir pakas keser
auruwon, "Josep. Devit nukan askanai, Anut nukan
Osou Näu nukasar Mariaamaiwo sarewon.
Keseria, na kiro asik owaun itok, ko nan
asik. Ko mokoi an jounuk, na kon enip
Jisas mam. Kiro enip onoktapau 'kos kon
roasiret akan onok aru jākāi
mareanik, ak ätāi
imwarai'."



Keserianik, Josep ko siräumara, Anut nukan sarau
eitek nukas auruwon siar kon asir Maria ätäi owon.
Utianik, Josep ko kiro asir pak ninau
wa erar rai rai, pote Maria ko mokoi
an jowon. Mokoi an jounuk,
Josep nukas kiro mokoi
enip Jisas mowon.



Kiro ses Elisabet ko Jon an jowon opok, kar ro năwău
Sisa-Okastas ko kiro ses opok kiro omsau pakan
roasiret erekapu enmaka
owaraun ămăn surmarowon.
Roasiret erekapu
akan askanai
pewon opok ak



karar karar akan enmaka buk opok wăun potoin.



Josep ko Nasaret menas siräimara, Galili provins
pakas pote Betlehem mena, Juda provins opok
potowon. Ko Devit nukan
askanai, okon, ko kiro opok
kon enip wäun potowon.

Josep ko kon wau
Maria owaun

sare



murin amaiwo orip, enip erek wäun imäi potowon.



Pote Betlehem mena
rauna rauna, Maria ko
an jowaun ses pewon.



Maria kon kaman mokoi an jowon. Omjos kururur
momara, bulmakau akan o jeäin maro uru nini mowon.
Kiro mena kar ou waru erar
rawau wa, om erekapu
oi kurein.



Owon, roasiret kiro mena enmak wäu potoin akas om erekapu oi kurein.



Kiro om ses opok, kiro mena kasakup karauk sipsip
kamwareäin roat ak kiro pututu akan sipsip kamware
ninoin.



Anut nukan sarau eitek ak siarakap penuk, Anut nukan
arou näwäu kiro roat opiakap merek kurwarowon.
Kiro roat akas kiro arou näwäu
apari iminein.



Anut nukan sarau eitekus awarowon, "Ak wa iminäu, owon, is ak ämän eposek ak rawa oi koim. Okoro ämän mesin roasiret erekapu nepipiraiei."



"Rusapai pututu akan askanai Devit nukan mena, kar ro ak sarwaraun an jowon. Ko Krais* Nāwāu."



"Ak kiro onok äpu maiei. Ak potoinai, kiro mokoi kon anakus bulmakau o jeäin maro opok nini momoi, omjos kururur mowon rau, ak pote aparwe."



Keser arenuk arenuk, omar oikan Anut nukan sarau
eitek sosop pimana, Anut nukan enip jou
mianik, sir wein. Ak keser sir wein,
"Anut ko sakau orip,



ko omar
oik rau."



"Omnokou pakan roasiret ak onok
eposek mona, Anut nukan wou eposek
sareu, akan woiaka päurar rawaiei."



Kiro Anut nukan sarau eitek manona,
sipsip kamwareäi roat aka aka arein,
"Kir, ik Betlehem mena potea, ik kiro
osap pewon Anut nukas aikowon pote
aparau."



Keseria, sipsip kamwareäin roat akas
kurte poteanik, Maria kon komu Josep
ori pote tarwatianik, kiro mokoi
bulmakau akan maro uru nini rawon
aparin.



Sipsip kamwareäin roat kiro mokoi
aparianik, kon momok anak ori Anut
nukan sarau eitekus ämän awarowon siar
kiro ämän erekapu awatoin.



Jisas ko anakus
Betlehem mena
Judia provins opok
an jowon. Kiro ses
opok, Herot ko
kiro omsau

kamwareäwon ro
näwäü king rawon. Maria an joi
raunuk raunuk, karauk san peäwon
pakan äpu miäin roat ak pai awau
penuk, aparianik, ak kiro pai
tainori Jerusalem näu mena koin.



Ak koianik, akas
kiro pakan keser
totwaroin, "Juda*
akan kamwaraun
mokoi awau
pewon, kiro

erapok pe rau? Ik kon pai san
peäwon pakas penuk, aparianik,
ik ko jou muraun koum."



Keser aurna, Herot nukas
ämäi ämäi kiro roat san
peäwon pakan totwarowon,
"Kiro pai owo ses opok
pewon?" Kiro onok
totwarowon rowaun.
Ko Betlehem mena
äsimwareanik, keser ämän
awarowon: "Ak potoinai, kiro
mokoi jekur itane aparia, is
ätäi koi airaiei."



"Keserna, isas pak erek pote
jou muram." Ko kiro mokoi
pote wäun rai keser kiro
sät ämän awarowon.



Keseria, kiro pai ninareäi roat ak Herot nukan ämän
roumoi, ute manoin. Ak apu opok pote rai, kiro pai
meter san peäwon pakaimas aparin.

Kiro pai amke pote kiro mokoi
rawon ou opok kämioik rawon
aparianik, ak woiaka näu
sareanik, nepipirin.



Ak pote kiro owa toneanik, kiro mokoinak kon anak
pak rawon aparianik, akan uoraka sur weanik, kiro
mokoinak jou murin. Keseria, ak
karauk osap enip aiauk gol*
pak pauda kapasmer pak am
an anakas sou eposek orip
pak oianik, kiro
mokoinak nurin.



Ak kiro mokoinak osap nurianik, rauna rauna, Anut
nukas nini epir pakas ämän jekur awarowon siar, "Ak
ätäi Herot siakup wa potaiei."
Keseria, kiro roat kar apu
pakaima akan mena ätäi
manoin.



Pai ninareäi roat ute manona,
Anut nukan sarau eitek
kararas pemara, nini epir
pakaima Josep keser
auruwon, "Herot nukas
mokoi wäun itanera.
Keseria, na kurte
siräinam, mokoi anak ori
imwatoinam, Ijip omsau
imine pote

rawam. Au kiro opok
rawaieir. Imkanik, isakasar
ätäi aisoita, ak ätäi kowaiei."




Kiro pututur, Josep ko
siräumara, mokoi anak ori
Ijip omsau imwate manowon.
Ko kiro opok pote raunuk
raunuk, Herot meiewon.
Keseria, kiro ämän
meter Näuäw nukas
Anut nukan ämän
roianik, areawon ro
nukas äiewon

epar pewon, 'Isan mokoi
Ijip omsau pakan urweita,
kowon.'



Josep ko Ijip omsau
manonuk, Herot ko pai
ninareäi roat akas sät
aurianik, manoin ämän
roianik, ko kasak pewon.



Keseria, kon marai roat
awaronuk, ak kiro Betlehem
mena pak karauk mena
Betlehem mena siakup rain
pak ak kiro menan mokoinakut
apur jeäin woisan oiroror orip
pak rusapaian mokoinakut pak
erekapu



akwarona, meiein.



Owon, ko pai ninareäi
roat akas kiro ses kiro
pai pewon aurin.





Rai rai, Herot meienuk, Anut
nukan sarau eitekus Josep
Ijip omsau rawon nini epir
pakaima pe auruwon, "Na
siräinam, mokoi kon anak ori
ätäi Israel akan
omnokou opok imwate
potam. Owon, kiro roat
ak mokoi wäun keserin
roat ak meiein."




Herot ko meienuk,
Arkelaus ko kon
momokun omoi pe
oumara, Judia provins
kamewon. Josep
ko kiro

ämän roumara,
kiro opok potaun
iminewon. Ko iminenuk, Anut nukas
nini epir pakas ämän sosop jekur nurunuk, ko
Judia provins tonau wa, Galili provins potowon.




Ko pote Nasaret
mena om owon.
Keseria, Anut nukan
ämän roianik,



areain roat akas arein kiro ämän
epar peu: 'Ko Nasaret menan ro.'



Anut nukas okoro omnokou pakan
roasiret mesin wous meiemara, kon
mokoi karartapau äsimornuk,
kowon. Ko kiro onok kesernuk, inok
roasir ko mesin wou epar mai,
ko wa meiäi, kon totok
orip orip awau
rawai.



Rom 3:23 Owon, roasiret erekapu onok aru miäin. Ak onok aru miäi, okon, Anut nukas akan enmaka jou näwäu orip wa oik marai.

Rom 6:23 Keserianik, roat onok aru miäi, kiro onok arus ak ep wa koseriäu nukan apu opok mareäu. Utianik, roasiret ak iken Näwäu, Krai Jisas pak pasar rauna, Anut nukas kon wou näu oripas ak sarwareanik, ak orip orip awau rawaun apu opok mareäu.

Ibru 9:27 Ko keserwon senek roasiret nais kararpai meiäiei. Ak meiena, tawa Anut nukas ak wasarewarai.

Efesus 2:8,9 Ak akan woiaka Krai mesin epar moin, okon, Anut nukas kon wou näu oripas sarwaromara, akan onok aru pakan ätäi imwarowon. Akas kar sarau eposek kos ak ätäi imwaraun mau wa, wäpik, Anut nukasar ak erar sarwarowon. Akan sakau pakas kos ak imwarau wa, okon, ak akan enmaka jou mau senek wa.



Rom 10:9,10 Ak karauk roasiret Krai mesin awareanik, keser awaraiei, "Jisas ko iken Nāwāu." Akan ronkat opokas "Anut nukas Jisas meiewon ätāi sirāi mowon" woiaka epar maiei. Ak keser awareanik, aka keser woiaka epar mona rai, kos ak akan onok aru pakan imwarai. Epar senes, kar roasir kon wou Krai mesin epar mai, Anut nukas kiro roasir ko eposek aurai. Kiro roasir karauk roasiret Jisas ko isan Nāwāu keser awarai, Anut nukas kon onok aru pakan imāiāi.

Jon 3:16,17 Anut nukas okoro omnokou pakan roasiret mesin wous meiemara, kon mokoi karartapau äsimornuk, kowon. Ko kiro onok kesernuk, inok roasir ko mesin wou epar mai, ko wa meiāi, kon totok orip orip awau rawai.

Owon, Anut nukas kon mokoi okoro omnokou opok roasiret wasarewaraun ro senek Anut nukan amukup ak ämän orip awaraun äsimorau wa, utianik, ko roasiret akan onok aru pakan imwaraun äsimorwon.



1 Jon 5:11-13 Kiro epar ämän Anut nukas äiewon kesek:
Anut nukas iken totomok awau orip orip rawaun sakau
ikowon. Kiro totomok awau rawaun onoktapau kon mokoi
Jisas opok rau. Inok roasir ko kon mokoi pak pasar raiäu,
ko totok awau orip orip rawaun sakau oiäu. Inok roasir ko
pak wa pasar raiäu ko kiro totok orip orip rawaun sakau
wa oiäu. Ak Anut nukan mokoi mesin woiaka epar miäi
roasiret, akan totomaka awau orip orip rau äpu
maun isas okoro jer we marom.



Matiu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Girawa Bible (bbr) © 2013, Wycliffe Bible Translators,
Inc. All rights reserved.

<https://live.bible.is/bible/BBRWBT/MAT/1>

©2026 Bible for Children, Inc.

www.M1914.org

www.bibleforchildren.org

